

閩縣吳增祺編輯

第三冊

重訂中學國文教科書

上海商務印書館印行

版 出 館 書 印 務 商

陳慶年編 趙玉森增訂

增訂
中國歷史教科書

紙面	布面
二冊	一冊
每冊	一元二角
六角	

夏曾佑編

中國歷史教科書

三册
三二一
册
五五七
角角角

品瑞廷趙澂璧編

正訂
新體中國歷史

元

考重
訂譯

東洋史要

一元

東洋史要地圖

五
角

傅嶽棻譯

西洋歷史教科書

一元二角

西洋歷史教科書

二册
一元五角

西洋歷史地圖

一册
八
角

萬國史綱

一册
—
元

三三

MIDDLE SCHOOLS
CHINESE NATIONAL READERS
COMMERCIAL PRESS, LTD.

戊申年九月初版
中華民國二年三月訂正八版

中學國文教科書四冊

（第三册）
每部定價大洋
叁角伍分
壹元肆角

評選者 侯官吳增祺

重訂者 武進許國英

發行者 商務印書館

印
制
者
商
務
印
書
館

上海棋盤街中市

總發行所 商務印書館

開封 太原 西安 成都 重慶



商 務 印 書 館 發 行

英 文 文 學 叢 書

附 漢 文 每 冊 義 釋

比 莎
亞 士

威 匿 思 商 定 價 六 角

沈寶善註釋徐銑校訂 莎氏所著劇本中以威匿思商一齣爲尤著觀其寫兒女之愛朋友之情猶太人之貪酷耶教徒之尙義無不栩栩欲活真美術界之瑰寶也

比 莎
亞 士

麥 克 白 傳 定 價 六 角

沈寶善註釋徐銑校訂 書爲英國大詩家莎士比亞所著其事略已見於本館前印之樂府本事中本事爲莎氏之文彙此作爲莎氏之專集詳略迴殊精采迭見中述蘇格蘭王滕甘被麥克白所弑王長子馬康起兵復仇戮麥克白而自立寫奸雄之跋扈述忠義之顛連足令讀者神往

莎 氏 樂 府 本 事 定 價 一 元

甘永龍註釋徐銑校訂 欲讀莎士比亞之詩歌 先諗其詩歌中所記之事實是書爲蘭氏兄妹所合編皆莎氏樂府之本事也蓋詩歌體整而紀事體散求之詩歌其意或繁隨而難窺求之本事其文極顯豁而易曉

撒 克 遜 劫 後 英 雄 畧 定 價 二 元

馬驥註釋徐銑甘永龍校訂 是書爲英國大文學家司各得名著書中敘撒克遜種人亡國之後英雄兒女各恪守祖國伏臘激昂慷慨誓復國仇卒能驅去異種重立英國前經閩縣林琴南先生譯以問世風行一時茲經本館校印原文凡書中難字難句一一詮釋附於卷末尤便讀者

商 務 印 書 館 發 行

中學算術類教科書

中學算術教科書

徐光連編

八角

以上三書皆採

中學數學教科書

沈王鈺編

上冊四角半
下冊四角

集東籍之長編

近世算術

徐念慈編

七角

一種用之

中學算術新教科書

趙秉良譯

二冊一元五角

此書譯藤澤利喜太郎之名著

新編初等數學教科書

顧裕魁編

三角

此二書簡要有法初級師範最

算術

秦同培編

三角

為適用

訂改 中外度量衡幣比較表

杜亞泉
趙秉良編

一元

此書可備檢查參攷之用

三集目錄

晉

陸機辯亡論 辯亡論下 謝平原內史表 漢高祖功臣頌 弔魏武帝文

杜預再上伐吳表

張華女史箴

潘岳馬汧督誄 楊荊州誄 楊仲武誄 夏侯常侍誄 哀永逝文

江統徙戎論

劉琨勸進表

王羲之與會稽王牋 遺殷浩書 報殷浩書 誠謝萬書 與吏部郎謝萬書 與尙書

僕射謝安書

陶潛自祭文

李密陳情表

張俊爲吳令謝詢求爲諸孫置守冢人表

南北朝

傅亮爲宋公至洛陽謁五陵表 爲宋公求加贈劉前軍表 爲宋公修張良廟教

范曄後漢書皇后紀論 後漢書二十八將傳論 後漢書宦者傳論 後漢書逸民傳論

後漢書光武紀贊

劉峻廣絕交論

邱遲與陳伯之書

顏延之陶徵士誄 祭屈原文

任昉爲蕭揚州薦士表

隋

牛弘請開獻書表

唐

王績答馮子華處士書

杜之松答王績書

高馮上太宗封事

魏徵論御臣之術 論君子小人疏 論時政疏二 論時政疏三

張蘊古大寶箴

王勃秋日登洪府滕王閣餞別序 爲人與蜀城父老書

駱賓王與博昌父老書 爲徐敬業討武曌檄

張說南省就寶尚書山亭尋花柳宴序 會諸友詩序 獄箴 贈別楊臨川炯箴 弔陳

司馬書

何延之蘭亭始末記

劉子元自敘

孫逖禹廟別韋士曹序 鴻臚少卿壁記

李華壽州刺史廳壁記 賀遂員外藥園小山池記 靈濤贊 弔古戰場文

蕭穎士清明日南皮泛舟序 爲邵翼作上張兵部書

王維送鄭五赴任新都序 山中與裴迪秀才書

郭子儀請車駕還京奏

顏真卿論百官論事疏

劉長卿祭蕭相公文

李白春夜宴從弟桃花園序 早春於江夏送蔡十還家雲夢序 春於姑熟送趙四流炎

方序 秋於敬亭送從姪嵩遊廬山序 與韓荊州書 溧陽瀨水貞義女碑銘

賈至沔州秋興亭記

元結篋中集序 送王及之容州序 辭容州表 與呂相公書 嵎溪銘 嵎臺銘 右

溪記 大唐中興頌

獨孤及鄭縣劉少府兄宅月夜登臺宴集序 送長洲劉少府貶南巴使牒留洪州序 清

明日司封元員外宅登臺宴集序 崔中丞南池送徐侍御還京序 撫州南城縣客館

新亭記

馮用之機論 權論

李翰通典序

權德輿酷吏傳議 奉送裴二十一兄閣老中丞赴黔中序 送張校書歸湖南序 二疏

贊

李吉甫上元和郡縣圖志序

于公異收西京露布

陸贄論納諫疏 請罷兵狀 興元元年奉天改元大赦詔

韓愈原道 爭臣論 師說 進學解 諱辯 張中丞傳後序 送李愿歸盤谷序 送

殷員外序 送石處士序 送鄭尚書序 答寶秀才書 與崔羣書 與鄂州柳中丞

書 再與鄂州柳中丞書 坊者王承福傳 毛穎傳 平淮西碑 南海神廟碑 柳

州羅池廟碑 柳子厚墓誌銘 新修滕王閣記 祭十二郎文 祭鱷魚文

柳宗元封建論 晉文公問守原議 桐葉封弟辨 捕蛇者說 天說 愚溪詩序 與

韓愈論史官書 與許京兆孟容書 與楊京兆憑書 宋清傳 種樹郭橐駝傳 梓

人傳 永州新堂記 零陵三亭記 邕州馬退山茅亭記 遊黃溪記 始得西山宴

遊記 鉅錫潭西小邱記 袁家渴記 小石城山記

李翱送馮完序 答獨孤舍人書 楊烈婦傳 贈禮部尚書韓公行狀 高愍女碑 行

己箴 祭吏部韓侍郎文

孫樵與高錫望書 書何易于 書褒城驛壁 龍多山記 寓居對 乞巧對

李漢韓愈文集序

劉禹錫陋室銘

皇甫湜故吏部侍郎昌黎韓先生墓誌銘并序

呂溫狄梁公立廬陵王傳讚并序 傅巖銘并序 望思臺銘并序 成皋銘 古東周城

銘

元稹白氏長慶集序

杜牧罪言 竇烈女傳

李商隱齊魯二生

皮日休新城三老董公贊并序 趙女傳

陸龜蒙送豆盧處士謁丞相序 送小雞山樵人序 甫里先生傳

陸希聲李觀文集序

吳融奠陸龜蒙文

中學國文教科書二集

晉文

陸機辯亡論

鋪敘太多而少斷制，亦爾時文體如是，然其筆力豪邁處，自不可及。

昔漢氏失御，姦臣竊命，禍基京畿，毒徧宇內。皇綱弛紊，王室遂卑。於是羣雄蜂駭，義兵四合。吳武烈皇帝慷慨下國，電發荆南，權略紛紜，忠勇伯世。威稜則夷羿震盪，兵交則醜虜授馘。遂掃清宗祊，蒸禋皇祖。於時雲興之將帶州，颶起之師跨邑。哮闕之羣風驅，熊羆之衆霧集。雖兵以義合，同盟戮力。然皆包藏禍心，阻兵怙亂。或師無謀律，喪威稔寇。忠規武節，未有如此其著者也。武烈既沒，長沙桓王逸才命世，弱冠秀發，招攬遺老，與之述業。神兵東驅，奮寡犯衆，攻無堅城之將，戰無交鋒之虜。誅叛柔服，而江外底定。飭法修師，則威德翕赫。賓禮名賢，而張昭爲之雄。交御豪俊，而周瑜爲之傑。彼二君子，皆弘敏而多奇，雅達而聰哲。故同方者以類附，等契者以氣集。而江東蓋多士矣。將北伐諸華，誅鉏干紀，旋皇輿於夷庚，反帝座乎紫闥。挾天子以令諸侯，清天步而歸舊物。戎車旣次，羣凶側目。大業未就，中世而殞。用集我大皇帝，以奇蹤襲於逸軌，叡心因於令圖。從政咨於故實，播憲稽乎遺風。而加之以篤固。

論孫權

論孫策

論孫堅

四句言人
才之盛引
起下一段

用過秦論
句法

敗魏

敗蜀

申之以節儉。疇咨俊茂。好謀善斷。束帛旅於丘園。旌命交於塗巷。故豪彥尋聲而響臻。志士希光而景騫。異人輻湊。猛士如林。於是張昭爲師傳。周瑜陸公魯肅呂蒙之儔。入爲腹心。出作股肱。甘甯凌統程普賀齊朱桓朱然之徒。奮其威。韓當潘璋黃蓋蔣欽周泰之屬。宣其力。風雅則諸葛瑾張承步騭以名聲光國。政事則顧雍潘濬呂範呂岱以器任幹職。奇偉則虞翻陸績張溫張惇以諷議舉正。奉使則趙咨沈珩以敏達延譽。術數則吳範趙達以禨祥協德。董襲陳武殺身以衛主。駱統劉基彊諫以補過。謀無遺譖。舉不失策。故遂割據山川。跨制荆吳。而與天下爭衡矣。魏氏嘗藉戰勝之威。率百萬之師。浮鄧寨之舟。下漢陰之衆。羽檄萬計。龍躍順流。銳騎千旅。虎步原隰。謨臣盈室。武將連衡。喟然有吞江澹之志。一宇宙之氣。而周瑜驅我偏師。黜之赤壁。喪旗亂轍。僅而獲免。收迹遠遁。漢王亦憑帝王之號。帥巴漢之民。乘危騁變。結壘千里。志報關羽之敗。圖收湘西之地。而陸公亦挫之西陵。覆師敗績。困而後濟。絕命永安。續以濡須之寇。臨川摧銳。蓬籠之戰。子輪不反。由是二邦之將。喪氣挫鋒。勢衄財匱。而吳茫然坐乘其弊。故魏人請好。漢氏乞盟。遂躋天號。鼎峙而立。西屠庸益之郊。北裂淮漢之涘。東包百越之地。南括羣蠻之表。於是講八代之禮。蒐三王之樂。告類上帝。拱揖羣后。虎臣毅卒。循江而守。長棘勁鍛。望颺而奮。庶尹盡規於上。四民展業於下。化協殊裔。風衍

以下論孫
亮孫休孫
皓

稱魏或曰
王師或曰
大邦或曰
強寇
筆法亦仿
過秦

此篇上半
專論孫權

選圻。乃俾一介行人。撫巡外域。巨象逸駿。擾於外閑。明珠瑋寶。耀於內府。珍琬重迹而至。奇玩應響而赴。輜軒騁於南荒。衝輞息於朔野。齊民免干戈之患。戎馬無晨服之虞。而帝業固矣。大皇既歿。幼主莅朝。姦回肆虐。景皇聿興。虔修遺憲。政無大闕。守文之良主也。降及歸命之初。典刑未滅。故老猶存。大司馬陸公以文武熙朝。左丞相陸凱以謇諤盡規。而施績范愼以威重顯。丁奉離斐以武毅稱。孟宗丁固之徒。爲公卿。樓玄賀劭之屬。掌機事。元首雖病。股肱猶存。爰及末葉。羣公既喪。然後黔首有瓦解之志。皇家有土崩之釁。歷命應化而微。王師躡連而發。卒散於陣。民奔於邑。城池無藩籬之固。山川無溝阜之勢。非有工輪雲梯之械。智伯灌激之害。楚子築室之圍。燕人濟西之隊。軍未浹辰。而社稷夷矣。雖忠臣孤憤。烈士死節。將奚救哉。夫曹劉之將。非一世所選。向時之師。無曩日之衆。戰守之道。抑有前符。險阻之利。俄然未改。而成敗貿理。古今詭趣。何哉。彼此之化。殊授任之才異也。

陸機辯亡論下

昔三方之王也。魏人據中夏。漢氏有岷益。吳制荆楊而奄交廣。曹氏雖功濟諸華。虐亦深矣。其民怨矣。劉公因險以飾智。功已薄矣。其俗陋矣。夫吳桓王基之以武。太祖成之以德。聰明叡達。懿度弘遠矣。其求賢如不及。卹民如稚子。接士盡盛德之容。親仁罄丹府之愛。拔呂蒙

開國方略

於戎行。識潘濬於係虜。推誠信士。不恤人之我欺。量能授器。不患權之我逼。執鞭鞠躬。以重陸公之威。悉委武衛。以濟周瑜之師。卑宮菲食。以豐功臣之賞。披懷虛己。以納謨士之算。故魯肅一面而自託。士燮蒙險而致命。高張公之德。而省遊田之娛。賢諸葛之言。而割情欲之歡。感陸公之規。而除刑法之煩。奇劉基之議。而作三爵之誓。屏氣跼蹐。以伺子明之疾。分滋損甘。以育凌統之孤。登壇慷慨。歸魯子之功。削投惡言。信子瑜之節。是以忠臣競盡其謨。志士咸得肆力。洪規遠略。固不厭夫區區者也。故百官苟合。庶務未遑。初都建業。羣臣請備禮秩。天子辭而不許。曰。天下其謂朕何。宮室輿服。蓋慊如也。爰及中葉。天人之分既定。百度之缺粗修。雖醴化懿綱。未齒乎上代。抑其體國經邦之具。亦足以爲政矣。地方幾萬里。帶甲將百萬。其野沃。其兵練。其器利。其財豐。東負滄海。西阻險塞。長江制其區宇。峻山帶其封域。國家之利。未巨有弘於茲者矣。借使中才守之以道。善人御之有術。敦率遺典。勤民謹政。循定策。守常險。則可以長世永年。未有危亡之患也。或曰。吳蜀唇齒之國。蜀滅則吳亡。理則然矣。夫蜀蓋藩援之與國。而非吳人之存亡也。何則。其郊境之接。重山積險。陸無長轂之徑。川阨流迅。水有驚波之艱。雖有銳師百萬。啟行不過千夫。舳艫千里。前驅不過百艦。故劉氏之伐。陸公喻之長蛇。其勢然也。昔蜀之初亡。朝臣異謀。或欲積石以險其流。或欲機械以御其變。

此本班書
論子嬰語此言蜀亡
不足慮

此段專頌
其先人陸
抗之功

又學過秦

歸到正論
得保邦之
本

天子總羣議而諮之大司馬陸公。公以四瀆天地之所以節宣其氣。固無可遏之理。而機械則彼我之所共。彼若棄長技以就所屈。即荆陽而爭舟楫之用。是天贊我也。將謹守峽口以待禽耳。逮步闡之亂。憑寶城以延強寇。重資幣以誘羣蠻。於時大邦之衆。雲翔電發。懸旂江介。築壘遵渚。襟帶要害。以止吳人之西。而巴漢舟師。沿江東下。陸公以偏師三萬。北據東甌。深溝高壘。案甲養威。反虜蹤跡待戮。而不敢北窺生路。彊寇敗績宵遁。喪師太半。分命銳師五千。西御水軍。東西同捷。獻俘萬計。信哉賢人之謀。豈欺我哉。自是烽燧罕警。封域寡虞。陸公歿而潛謀兆。吳釁深而六師駭。夫太康之役。衆未盛乎曩日之師。廣州之亂。禍有愈乎向時之難。而邦家顛覆。宗廟爲墟。嗚呼。人之云亡。邦國殄瘁。不其然與。易曰。湯武革命順乎天。立曰。亂不極則治不形。言帝王之因天時也。古人有言曰。天時不如地利。易曰。王侯設險以守其國。言爲國之恃險也。又曰。地利不如人和。在德不在險。言守險之由人也。吳之興也。參而由焉。孫卿所謂合其參者也。及其亡也。恃險而已。又孫卿所謂舍其參者也。夫四州之萌。非無衆也。大江之南。非乏俊也。山川之險。易守也。勁利之器。易用也。先政之策。易循也。功不興而禍遘者。何哉。所以用之者失也。是故先王達經國之長規。審存亡之至數。謙己以安百姓。敦惠以致人和。寬沖以誘俊乂之謀。慈和以結士民之愛。是以其安也。則黎元與之同慶。

及其危也。則兆庶與之共患。安與衆同慶。則其危不可得也。危與下共患。則其難不足恤也。夫然故能保其社稷。而固其土宇。麥秀無悲殷之思。黍離無愍周之感矣。

陸機謝平原內史表

起自罪隸之中。獲就官職。自異於尋常謝表。而讀者以表中不列成都申救語。遂疑此表卽上之成都者。然觀開手用陪臣二字。則知非也。

陪臣陸機言。今月九日。魏郡太守遣兼丞張含齎板詔書印綬。假臣爲平原內史。拜受祇疎。不知所裁。臣機頓首頓首。死罪死罪。臣本吳人。出自敵國。世無先臣宣力之效。才非丘園耿介之秀。皇澤廣被。惠濟無遠。擢自羣萃。累蒙榮進。入朝九載。厯官有六。身登三閣。官成兩宮。服冕乘軒。仰齒貴游。振景拔迹。顧邈同列。施重山岳。義足灰沒。遭國顛沛。無節可紀。雖蒙曠盪。臣獨何顏。俛首頓膝。憂愧若厲。而橫爲故齊王問所見枉陷。誣臣與衆人共作禪文。幽執囹圄。當爲誅始。臣之微誠。不負天地。倉卒之際。慮有逼迫。乃與弟雲及散騎侍郎袁瑜。中書侍郎馮熊。尙書右丞崔基。廷尉正顧榮。汝陰太守曹武。思所以獲免。陰蒙避迴。嶮崎自列。片言隻字。不關其間。事蹤筆跡。皆可推校。而一朝翻然。更以爲罪。最爾之生。尙不足忝區區本懷。實有可悲。畏逼天威。卽罪惟謹。鉗口結舌。不敢上訴所天。莫大之釁。日經聖聽。肝血之誠。

終不一聞。所以臨難慷慨，而不能不恨恨者，惟此而已。重蒙陛下愷悌之宥，迴霜收電，使不隕越。復得扶老攜幼，生出獄戶，懷金拖紫，退就散輩，感恩惟咎。五情震悼，跼天踏地。若無所容，不悟日月之明，遂垂曲照，雲雨之澤，播及朽瘁，忘臣弱才，身無足采。哀臣零落，罪有可察。苟削丹書，得夷平民，則塵洗天波，謗絕衆口。臣之始望，尙未至是。猥辱大命，顯授符虎，使春枯之條，更與秋蘭垂芳。陸沈之羽，復與翔鴻撫翼。雖安國免徒，起紆青紵，張敞亡命，坐致朱軒。方臣所荷，未足爲泰。豈臣蒙垢含羞，所宜忝竊。非臣毀宗夷族，所能上報。喜懼參并，悲慙哽結。拘守常憲，當便道之官，不得束身奔走。稽顙城闕，瞻係天衢，馳心輦轂。臣不勝屏營延仰，謹拜表以聞。

陸機漢高祖功臣頌

如題敘列，而長短分合詳畧，具見章法之妙。後來袁宏作三國名臣贊，實本於此。然典雅淵懿，微爲不及。

相國鄧文終侯沛蕭何、相國平陽懿侯沛曹參、太子少傅雷文成侯韓張良、丞相曲逆獻侯陽武陳平、楚王淮陰韓信、梁王昌邑彭越、淮南王六黥布、趙景王大梁張耳、韓王韓信、燕王豐盧綰、長沙文王吳芮、荊王沛劉賈、太傅安國懿侯王陵、左丞相絳武侯沛周勃、相國舞陽